



CAMPIONATO GALEGO ABSOLUTO DE INVERNO

Piscina: Santa Isabel, 25 metros, 8 pistas

Santiago de Compostela 28, 29 e 30 de decembro de 2018

Instrucións Técnicas

1.- Horarios das probas

Hora de comezo:	Venres 28	Sábado 29	Domingo 30
Sesión de mañá	09:30	09:30	09:30
Sesión de tarde	17:30	17:30	17:00

2.- Quecementos

Comezarán dúas horas antes do inicio das probas e finalizarán 10 minutos antes.

Durante os 30 últimos minutos as dúas pistas laterais (1 e 8) reservaranse para series rápidas (sprints).

Os nadadores evitarán agarrarse ás placas do crono electrónico e as liñas de boias.

Ó finalizar cada sesión os nadadores terán a piscina á súa disposición durante un período de 30 minutos.

Non se poderán efectuar quecementos durante as cerimonia de entregas de medallas nin de premiación

3.- Acreditación de delegado

Deberá facerse entrega da acreditación de delegado(a) de clube no impreso oficial na Mesa da Secretaría de Competición cumprimentado na súa totalidade.

Tal e como se recolle na circular 18-04, tanto o adestrador como o delegado acreditado do clube deberá estar en posesión da súa correspondente licenzia federativa para a presente tempada.

4.- Baixas

As baixas deberán ser comunicadas por escrito como mínimo, media hora antes do inicio de cada sesión polo Delegado do Clube no impreso oficial facilitado pola Organización do Campionato cuberto na súa totalidade.

A ausencia da comunicación regulamentaria da baixa dun nadador suporá a súa baixa automática en todas aquelas probas que lle resten por nadar nesa sesión (sexan probas individuais ou de relevos).

A presentación da baixa efectuarase na Secretaría da Competición.

5.- Remudas

As fichas das probas de remudas deberán ser entregadas no modelo facilitado pola FEGAN na Secretaría da Competición 30 minutos antes do comezo de cada sesión co fin de efectuar as comprobacións necesarias e introducir os datos dos participantes na base de datos.

Estas fichas deberán estar debidamente cumprimentadas prestando especial atención á orde de nado, número de licenzia, identificación e ano de nacemento.

A FEGAN resérvase o dereito de non publicar os nomes dos nadadores do relevo que non cumpran estas



instrucións.

6.- Reclamacións

Segundo o establecido no Regulamento Xeral da FEGAN (Libro IV das competicións), no seu artigo 11.

7.- Comisión de competición

Segundo o establecido no Regulamento Xeral da FEGAN (Libro IV das competicións), no seu artigo 2.

8.- Cámara de saídas

Os nadadores deberán presentarse na cámara de saída 10 minutos antes do inicio da súa proba.

9.- Desenvolvemento da competición

Nas series eliminatorias, os nadadores deberán permanecer dentro da auga ata que se produza a saída da seguinte serie, agás nas probas de costas e remudas. Unha vez efectuada a saída da seguinte serie, deberán abandonar a piscina polos laterais á maior brevidade posible.

Probas de 800 e 1.500 libre: indicárase o número de longos que restan por percorrer no frontal da piscina e os derradeiros 50 metros sinaláranse con sinal acústica de campá.

Os nadadores evitarán subir por encima das placas da cronometraxe electrónica, abandonando a piscina polas escaleiras laterais tanto nas probas individuais como nas remudas.

10.- Récorde e mellores marcas galegas idades

Anunciaranse por megafonía todos os récorde e mellores marcas galegas no intre en que se produzan e figurarán nos resultados oficiais.

11.- Resultados no marcador electrónico

Os resultados que aparecen no marcador electrónico non se poderán considerar en ningún caso oficiais ata que o xuíz árbitro dea o seu visto bo.

12.- Entrega de medallas

As entregas de medallas terán lugar nos intres recollidos nas propias series do Campionato. Os nadadores premiados serán chamados por megafonía para acudir ó lugar establecido para a premiación.

É imprescindible a colaboración dos medallistas así como os seus adestradores e delegados para que a dinámica da competición sexa fluída.

13.- Entrega de resultados

Ó termo de cada xornada a FEGAN pendurará na súa páxina web os resultados da mesma.